



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1845

MXLIV. Ludwig der Römer nebst Herzog Barnim von Pommern, Herzog
Albrecht von Mecklenburg und die Fürsten Berend und Lorenz von Werle
verbinden sich zur Aufrechterhaltung des Landfriedens, den 9. ...

Nutzungsbedingungen

[urn:nbn:de:hbz:466:1-56193](https://nbn-resolving.org/urn:nbn:de:hbz:466:1-56193)

MXLIV. Ludwig der Römer nebst Herzog Barnim von Pommern, Herzog Albrecht von Mecklenburg und die Fürsten Berend und Lorenz von Werle verbinden sich zur Aufrechterhaltung des Landfriedens, den 9. August 1361.

Wy Ludwig de Romer, van der godis gnadin marcgreue to brandenburg vnde to Iulitz, des hilgen Romschen Rykes ouerste Kemerer, Palantzgreue by ryne vnde hertoge in beyern; Wy Barnym, to stettyn, der Pomerer, der Wenden vnde der cassuben hertoge; Wy albrecht, hertoge to meklenborg, greue to tzweryn, stargard vnde rostok here; Wy jungheren bernde vnde laurencius, heren to werle, Bekennen vnde louen in guden truwen. Were dat ymant were, he were we he were, de vnse vyand daromme wolde wesen, dat vnser een volgede vnde hulpe dem andern dorch des landfredis willen, so scolde wy alle vorsten vnde heren, stede vnde land, by dem andern blyuen mid gantzer macht vnd mid steder truwe, vnde scolen vs nummer berichten noch sunen mid genen, de sic dat annempt; men wy scolen syne vyende blyuen als lange, dat vs god helpe, dat wy to samene enen guden ende krygen, vnde welkerme vser dat ouer ghinge, dat scole wy vs alle annemen. Dar ne scal sic nymant vnser vtyn, vnn alle vse flote scolen enem isliken openstan to alle synen noden tyeghen dem genen, de sic dat aneme. Alle desse vorscreuen stucke loue wy heren vorscreuen by vlen eren vnde trewen vnser een dem andern stede vnde vast to holdene sunder argelist vnde hulperede. To ener grotern bekantnisse deffer vorscreuen stucke hebbe wy alle vse ingeflegte gevangen an dessen bryf, De ghegeuen is to velde by dem dorpe to beggerow, Na godis bord dusend iar dryhundert iar, dar na in dem een vnn festigsten iare, in sunte laurencius auende des hilgen mertelers.

Nach dem Original des K. Provinzial-Archives zu Stettin aus einer Abschrift von J. F. Sagmühl.

MXLV. Landfriedensschluß zwischen Ludwig dem Römer, dem Herzogen Barnim von Pommern und Albrecht von Mecklenburg und den Fürsten Berend und Lorenz von Werle, vom 9. August 1361.

Wy Ludwig de Romer, van godes gnaden marcgreue to Brandenburg vnde to Iulitz, des hilgen Romschen Rykes ouerste kemerer, Palantzgreue by Ryne vnde hertoge in beyeren; Wy Barnym, to stettyn, der Pomerer, der Wende vnnnd der cassuben hertoge; Wy albert, hertoge to meklenborg, greue to tzweryn, Stargarde vnde to Rostok here; Wy jungheren Bernd vnde laurencius, heren to werle, Bekennen vnd betughen in desem bryue, dat wy na rade vnser truwen man vnde stede ghemaked vnde geloued hebben enen rechten steden lantfreden genzlike to